

阿彌陀經通贊疏

卷上

卷下



般若波羅蜜多心經幽贊卷上

京大慈恩寺翻經沙門 基 撰

般若波羅蜜多心經幽贊卷上
贊曰今爲有情結習所蔽信受邪教誹毀大乘於空有
經如言計著隨印所解于生嚴怖設怖出要親依善友
由各迷方邪亂授學懼廣文海初不趣求雖樂略經而
不能了於真俗諦竟說有無心境法中逆生取捨令正
法義真謬具分信學有情皆獲利樂依先所受略贊中
道如解深密經中佛依偏計所執說一切法皆無自性
無生無滅本來涅槃相生勝義三無性已時勝義生菩
薩曰佛言世尊佛初唯爲發趣聲聞乘者轉四諦輪雖
其希奇然未了義是諸諍論安足處所次復唯爲趣大

乘者轉隱密輪說一切法皆無自性無生無滅本來涅槃雖更希奇猶未了義亦諸淨論安足處所今爲發起一切乘者轉顯了輪無上無容是勝義中真了義教非諸淨論安足處所金光明經說此三法名轉照持摧破有空具遮表故由諸有情迷法實相起造感業淪生死海大聖法王證法自性善巧方便應被撥宜難言法中以言顯說欲令隨獲中道實相故有頌言

諸佛或說我或時說無我 諸法實相中 無我無非我
餘經復說佛以一音演無邊義 衆生隨類各得解等既
猶天鼓應念發聲亦類末尼如求雨寶應物雖設種種
法門智見純和未生乖覺佛涅槃後因彼大天人法乳

紛初封者有如有頌曰

應審觀佛教 聖諦說為依 如米泔中金 擇取其真實
聖龍猛等為除有執 米集真教 究暢空宗 如有頌曰
真性有為空 如幻緣生故 無為無有實 不起似空花
彼言世俗可說法 有依勝義諦 一切皆空 雖此真空性
非空有寄詮 勝義理皆性 空有情由 是次生空 見無著
菩薩復請慈尊說 中道教雙除二執 而說頌言

虛妄分別有於此 二都無 此中唯有空 於彼亦有此

故說一切法 非空非不空 有無及有故 是則契中道

彼言世俗說我法 有依勝義諦 唯此二空 雖佛為破執

空執 有極相宣說 諸法有空 或說諸法非空 非有名字

性離空有雙非勝義寄詮有空有故故慈氏說有爲無
爲名之爲有我及我所稱之爲無非說有空法皆空有
觀斯聖意空有無乘法離智詮何空何有對機遣病假
說有空後諸學徒隨文起執已之所解謂契中宗他之
所知將爲謬說今贊經義申其兩端妙理是非智者當
了般若波羅蜜多者大經之通名心經者此經之別稱
般若之心經也三摩娑釋依士爲名蘇漫多聲屬主爲
目雖此心經亦名般若彼捺此別故但名心般若慧義
古釋有三一實相謂真理二觀照謂真慧三文字謂真
教今釋有五第四眷屬謂五行第五境界謂諸法福智
俱修有空齊照尋詮會旨究理解生慧性慧資皆名般

若能除障習證法真理衆德之尊万行之導強獨名
慧攝一切法波羅者彼岸義古說有二謂菩提涅槃今釋
有五所知二教三理四行五果蜜多者離義到義由
行般若離諸障滌境盡有無解窮六藏義洞真俗業
備二因覺滿寂圓斯昇彼岸體用兼舉故立此名然所
修行具七寂勝方可得名波羅蜜多一安住菩薩種性二
依止大菩提心三悲愍一切有情四具行一切事業五無
相智所攝受六迴向菩提七不爲二障閒雜若行慧等
一切善業隨闕此一非到彼岸此在初劫名波羅蜜多
在第二劫名近波羅蜜多在第三劫名大波羅蜜多
佛果位中更無異稱今苞因果故舉通名心者堅實

法家之稱大經隨機義文俱廣受持傳習或生怯退傳法
聖者錄其堅實妙家之言別出此經三分二序故皆遺
闕甄綜精微纂提綱蹟事雖万象統即色而爲空道
縱千門貫無智而兼得探廣文之秘旨標真心以爲辨經
者津妙理之格言拯迷生之常軌欲令修證或依或說般
若真實而說此經故以心目如瑜伽論水陸花等十地
等經 經曰觀自在菩薩 贊曰勝空者言今此經
中略有二分初觀自在等破二執顯二空後菩提薩埵
佛贊心疏 上二 統
等歎二依得二利大經言佛告舍利子菩薩摩訶薩行
深般若波羅蜜多時應如是觀實有菩薩不見有苦
薩今彼不見故破生執而說生空如應者言今此經中

惣有三分初觀自在等標上人修行勸示發心次舍利
子等陳機感者名述理垂諭後菩提薩埵等章依學
之德歎獲勝利或初令練磨次斷除四處後離苦圓證
練磨有三今標菩薩先修行人勸示發心初練磨也謂聞
菩提廣大深遠若生退屈應練磨心彼觀自在昔初發
意具諸煩惱於無明殼建立勝心捨身命財求佛智慧
與大勇猛已成等覺我亦應爾勵已增修不應自輕而
生退屈觀者察義俯放慈悲自在者無滯義審拔妙
用諸有愁淨三業歸依必應所祈六通垂化無暇危苦
飛輪摧拔作不請友爲應病醫攝利難忍名觀自在
又觀者照義了空有慧自在者縱任義所得勝果昔行

六度今得果圓慧觀爲先成一自在一壽自在能延促命二
心自在生死無染三財自在能隨樂現由施所得四業
自在唯作善事及勸他爲五生自在隨欲能往由戒所
得六勝解自在能隨欲變由忍所得七願自在隨所樂
成由精進所得八神力自在起軍勝通由定所得九智自
在隨言音慧十法自在於契經等由慧所得位階補處
道成等覺無幽不燭名觀自在但言觀音詞義俱失菩
薩者具云菩提薩埵略言菩薩菩提即般若薩埵謂方
便此二於有情能作一切利益安樂又菩提者覺義智
所求果薩埵者有情義悲所度生依弘誓語故名菩
薩又薩埵者勇猛義求大菩提精勤勇猛故名菩薩又

修行者名為菩薩。求三菩提之有情者，故名菩薩。有具悲
智徧行、慈愍、紹隆淨刹、俯救穢方、機感相應、故唯標此
或處上位、濟具天心、妙慧成就、皆觀自在。或指示此、令
日觀。非住西方來遊此者。彼大經中不別顯故。

經曰：行深般若波羅蜜多時，梵曰勝空者言下破法

執而說法。空大經次言不見般若波羅蜜多名般若。自

性空般若名空。故如應者言顯由學慧方照性空。示先

所修法第二練磨心也。謂見菩薩方行難行若生坐實心成

應練磨心。我無始來為求世樂尚能備受無義眾苦。

求菩提為出生死度有情類。生怯劣心。此深般若彼已

修學我亦應尔。省已增修不應退屈。彼舍利子先發

上卷一 施眼故退求小果恐今更退勸示練磨所言行者

一七

分別智無倒觀空要學

者即名爲行若依

是名爲行無垢稱

此亦言不見不行無自性

故今言行者都無所行是名爲行非有行義或有密取
餘義釋言若無所行無所不行是則爲行若有所行有
所不行非爲行也復有異釋動念攀緣爲生死根非爲
行也澈心絕慮爲出世本是名爲行如應者言譬如幻
士而有所作雖無實作非無似者待因緣中信學修證
曾無暫捨然無分別不見行相是謂行義非都無行以

病說除非除法故若本無法何行何除即愚法者稱已
成覺說有迷悟深自毀傷翳花體空可不資療翳既
非有如何假除翳既不除初無真眼由何勝義照花體空
若無所行無所不行有情無明無所不明應從無始一切
皆明其先未明今明誰也便同異道無所不爲皆理
乖宗何成覺慧若絕攀慮即是真行應無想等皆真
聖道徒設受持歇捨造修可諦思惟疾除邪謬今言行者
雖行而不見行非無行義由此經說不見行不見不行假
有所行實無行故不見行相是名爲行不尔唯應說不
見行復言不見不行有何詮理是故定應如後所說此
所行法云何名深勝空者言妙理玄邈不可思議二乘不

能曉凡夫所不測故名爲深如應者言真淨智境超言
義道非喻所喻微妙難知故名爲深應勤趣證或此一切
諸菩薩行真如實相難可圓證智慧觀照難可獲得證
教文字難可悟說五行眷屬難可成就有空境界難可
通達以慧爲首餘性或資皆名般若故並名深云何名時
勝空者言若依世俗信學修證求照達空若依勝義悟
般若心經 上四 祝
法體空修行般若事緒究竟捨名爲時如應者言然德
果德殊勝無邊非廣大修無由證得故依此義而誦行
者要具大共土種種性於五位漸次修行二種性者一
本性住種性謂住本識能生無漏本性功能二習所成
種性謂聞正法等熏習所起云何應知有本性住種性

依之修習大菩提因若性樂施好讚勸他無罪事中應
時爲說他債不拒受寄無差大財寶中心無耽著若性
成就軟品惡業不極損他作惡速悔常行慈愛知恩報
恩凡所規求不以非法樂修福業輕罪重怖見聞受苦
過於自身善事好同惡法樂迷於諸僮僕嘗無苦言於
德有德常生讚仰若被他害無反報心他來諫謝速能
納受終不結恨不久懷忿若性翹勤夙興晚寐凡事勇
決樂爲究竟大義無畏不自輕篋若於法義性審思惟
好樂寂靜愛慕出離所作無忘於忿慈愍若性聰慧
凡學易成離惡事中有力量擇性不能起上煩惱纏造無
聞業斷善根等設生惡趣便能速出亦不受於猛利大

苦雖受微苦發增上厭於苦有情深生悲愍若見有
此施等處相纏蓋輕微履重薄弱應知定有菩提本性
然由未遇真實善友爲說菩提雖遇爲說顛倒執學方
便慢緩善根未熟故處生死若又五位所修無邊勝善法
種名習所成種性五位者何一資糧位從初發起大菩
提心乃至始修四尋思觀住四心皆此位攝一信等
十心一信二精進三念四慧五定六施亦名不退七戒
八護法九願十迴向二十住一發心二治地三修行四生
貴五方便六正心七不退八童真九法王子十摧頂三
十行一歡喜二饒益三無恙四無盡五離癡六善現七
無著八尊重九善法十真實四十迴向一救護衆生二

不壞三等一切佛四至一切處五無盡功德藏六隨順
平等善根七隨順等觀一切衆生八如相九無縛無著
十法界無量三加行位從資糧後四種等持一明得定二
明增定三印順定四無間定三通達位從四定後初地初
心真相見道實心說四修習位從見道後至金剛定十地修道十
地者一極喜二離垢三發光四焰慧五極難勝六現前
七遠行八不動九善慧十法雲五究竟位金剛道
脫道中三種佛身四妙圓寂圓滿佛果雖知五位云何
修行諸修行者欲證菩提作大利樂要先發起大菩提
心方興正行譬如大海初有一滴能為諸寶作所住處最
初發心亦復如是五乘善法皆因此生又如世界初始

漸起即為荷負諸衆生因此心亦不能為五趣無量種類荷負依止又如空界無不含容大菩提心亦復如是徧空有為皆厭離故如空菩提皆求證故盡空衆生皆深念故此初發心雖為下劣一念福聚尚說難盡況經多劫發心修行利樂功德因何發心一者見聞佛等神力二者聞說菩薩藏教三者見聞佛法將滅念言法住能滅大苦四者末劫多見衆生癡無慙愧慳嫉憂苦惡行放逸懈怠不信念言濁世多起如是惡煩惱時我當發心今餘學我起菩提願由此便發大菩提心將欲發心先具十德起三妙觀十德者親近善友供養諸佛修集善根志求勝法心常柔和遭苦能忍慈悲淳厚深